

# UNIBASQ-EN ETIKA ETA ESKUBIDE BATZORDEAREN ERREGELAMENDUA

## 1. artikulua. Batzordearen helburuak

Unibasq-en Etika eta Eskubide Batzordearen helburuak izango dira Unibasq barruan egiten diren jardun guztiak gardenak direla eta Etika eta Eskubide Kodean ezarritakoa errespetatzen dela zaintzea eta bermatzea.

Helburu horiek lortzeko, Etika eta Eskubide Batzordeari honako hau dagokio:

1. Kodea behar bezala ezartzen, interpretatzen eta aplikatzen dela ikuskatzea.
- 2) Parte ez hartzeko betebeharraren edo Kode honen 13. artikulua araberako Batzordearen aurrean aurkez litezkeen ezespren-eskaeren inguruko jakinarazpenak ebaluatzea eta jakinarazpen horiei buruzko erabakiak hartzea.
- 3) Kodearen eta, behar izanez gero, Erregelamenduaren ezarpenaren aldizkako berrikuspenak egitea, eta emaitza horiek Gobernu Kontseilura helaraztea.
- 4) Ziurtapen-erabakien, egiaztapen-erabakien edo Unibasqetik eratorritako nahitaezko ebaluazio-txostenen aurka aurkeztutako errekurtsoei buruzko erabakia hartzea, baldin eta errekurtsio horiek aztertutako pertsonaren edo erakundearen alde ezarritako eskubideren bat urratzen duen akats formal batean edo prozesuan esku hartu duen pertsonaren baten inpartzialtasunik ezean oinarritzen bada. Ebazpenak errekurtsioa baiesten badu, erabakiaren deuseztasun- deklarazioa egingo da eta errekurritutako ziurtapena, egiaztapena edo ebaluazio-txostena berriro egin beharko da. Errekurtsio hori jartzeko prozedura eta kausak Kode honetako 21. artikuluan aipatzen den Etika eta Eskubide Batzordearen Erregelamenduaren 6. artikuluan garatzen dira.
- 5) Kodea urratzeagatik aurkeztutako erreklamazioen berri ematea, baldin eta erreklamazio horien oinarria aurreko zenbakian zehaztu ez den arrazoiren bat bada. Erreklamazio horiek jartzeko prozedura Kode honetako 21. artikuluan aipatzen den Etika eta Eskubide Batzordearen Erregelamenduaren 7. artikuluan garatzen da.

Batzorde honen helburuetatik kanpo geratzen dira lan-gatazkekin zerikusia duten gaiak aztertzea.

## 2. artikulua. Jardun-eremua.

1. Etika eta Eskubide Batzordea ikuskapen- eta eskubide-organoa da eta edozein eskatzailek, Euskal Unibertsitate Sistemako unibertsitateek ez ezik, Unibasq-ekin harremana duten edo Unibasq-en jardunek zuzenean edo zeharka eragiten dieten beste erakunde eta pertsona batzuek ere egindako edozein errekerimendu artatuko du, betiere errekerimendu horren oinarria Etika eta Eskubide Kodearen aginduren bat ez betetzea bada.

2. Errekerimenduaren funtsa Etika eta Eskubide Kodearen 13. artikuluan (Unibasq-etik eratorritako ziurtapen-erabakiaren, egiaztapen-erabakiaren edo ebaluazio-txostenen aurka jarritako errekurtsoei buruzkoan) azaltzen den parte ez hartzeko betebeharraren eta ezesprenaren inguruko jakinarazpenetan oinarritzen bada, Batzordearen jardunak zerbitzuak Unibasq-en eskaintzen dituzten edo Unibasq osatzen

duten pertsona eta organo guztientzako loteslea izango den erabaki batekin amaituko dira. Gai horiek Erregelamendu honen 6. artikuluan ezarritako prozeduraren arabera gauzatuko dira.

3. Errekerimenduaren funtsa Etika eta Eskubide Kodearen beste agindu batzuk ez betetzean oinarritzen bada, Batzordearen jardunak dagokion organoaren edo pertsonaren aurrean loteslea izango ez den txosten bat eginez amaituko dira, betiere Erregelamendu honen 7. artikuluan ezarritako prozedurari jarraikiz.

### **3. artikulua. Batzordearen osaera**

1. Etika eta Eskubide Batzordea osatuko dutenak honako hauek izango dira:

- a.-) Agentziaren zuzendaria edo hark izendatzen duena.
- b.-) Agentziako langileen ordezkari bat, Agentziako kideen artetik hautatua.
- c.-) Unibasq-en Aholku Batzordeko kide bat, batzordekideen artetik hautatua.
- d.-) Unibasq-en Gobernu Kontseiluak edozein kidek proposatuta izendatzen duen etika-arloko aditu bat.
- e.-) Euskal unibertsitate-sistematik kanpoko ikasle bat, Unibasq-eko Ikasleen Aholku Batzordeak izendatuko duena.

Batzordea osatzen duten pertsonak hiru urterako izendatuko dira, eta behin baino ezin izango dute kargua berri aldian bererako. Pertsona horiek ezin izango dira berriro izendatu kargua uzten dutenetik hiru urte igaro arte.

2. Batzordekideek honako kausa hauetakoren batengatik utzi ahal izango diote batzordekide izateari:

- a) Norberak eskatuta Batzordearen presidenteari zuzendutako idazki bidez.
- b) Agintaldia bukatzen dutenean.
- c) Ezinbesteko bateraezintasunagatik.
- d) Gaitasungabetzea edo eginkizungabetzea dakarren ebazpen irmo bidez.
- e) Dagozkien eginkizunen eta betebeharren ez-betetze larria, behin eta berriro gertatua eta nahita egindakoa, Etika eta Eskubide Batzordeak berak halakotzat hartzen badu, betiere gaia gai-zerrendan sartu ondoren. Batzordetik kanpo uzteko proposatu den pertsonak ezin izango du puntu horretan parte hartu, ezta puntu horri buruzko eztabaidetan eta bozketan ere; horrenbestez, bileratik atera beharko du puntu hori aztertzen hasten direnean.

### **4. artikulua. Egitura eta eginkizunen banaketa.**

1. Unibasq-en zuzendaria edo hark izendatzen duena Batzordearen presidentea izango da. Bestalde, Agentziako langileen ordezkaria izango da idazkaria. Gainerakoak bokalak izango dira. Batzordekide guztiek hitz egiteko eta botoa emateko eskubidea izango dute.

2. Honako hauek dira presidentearen eginkizunak:

- a) Organoaren ordezkaritza izatea.
- b) Ohiko eta ezohiko bilkuren deialdia erabakitzea eta gai-zerrenda zehaztea; eta dagokionean, gainerako kideek gutxienez 48 orduko aurrerapenez egindako eskaerak kontuan izan beharko ditu. 2. artikuluan

aipatutako pertsonak Etika eta Eskubide Kodera bideratutako jakinarazpenak ere barne hartu beharko ditu.

- c) Bilkuren buru izatea, eztabaiden garapena baretzea eta eztabaidak atzeratzea kausa justifikatuengatik.
- d) Organoaren erabakien aktak eta ziurtagiriak eta aktak ontzat ematea.
- e) Kide anitzeko organoko beste kide bat gehiago den aldetik, dagozkion eskubideak baliatzea.
- f) Organoaren presidente den aldetik, kargu horri lotutako beste edozein eginkizun egikaritzea, baita Erregelamenduan edo aplika dakioken araudian aurreikusitako beste batzuk egikaritzea ere.

### 3. Honako hauek dira idazkariaren eginkizunak:

- a) Presidenteak aginduta, Batzordeko bilkuretarako deialdia egitea.
- b) Gaien azterketa prestatzea, bilkuretako aktak idatzi eta baimentzea.
- c) Onartutako kontsulten eta emandako irizpen eta erabakien ziurtagiriak egitea.
- d) Presidenterik ez badago, hura ez bada bertaratu, gaixorik badago eta presidenteak bere eginkizunak betetzea eragozten dion edozein zirkunstantziarik badago, haren ordezkari jardutea.
- e) Idazkari-karguari lotutako beste edozein eginkizun, baita Batzordeko bokalek dituzten eginkizunak egikaritzea ere.

Idazkaririk ez badago, hura ez bada bertaratu edo gaixorik badago, idazkariaren eginkizunak bertaratutakoaren artean zaharrena denak egikaritu beharko ditu, betiere pertsona hori presidentea ez bada.

### 4. Honako hauek dira bokalen eginkizunak:

- 1) Bilkuretako eztabaidetan parte hartzea.
- 2) Galde-eskeak egitea.
- 3) Bokala den aldetik, kargu horri lotutako beste edozein eginkizun egikaritzea, baita Erregelamenduan edo aplika dakioken araudian aurreikusitako beste batzuk ere egikaritzea.

## 5. artikulua. Batzordearen funtzionamendua.

1. Batzordea bere aurrean errekerimenduren bat aurkezten denean bilduko da, kasu jakin horri erantzun arretatsua eta dagokion epean eman ahal izateko, eta gatazka gehiago ez luzatzeko. Halaber, landu behar diren gaiak daudela irizten denean deitu ahal izango da. Nolanahi ere, gutxienez urtean behin bildu beharko du. Bilerak birtualak edo presentziazkoak egiteko aukera dago.

2. Erabakiak hartzeko, Batzordea osatzen duten pertsona gehienek bertaratu beharko dute Erabakiak bertaratutakoaren gehiengoz hartuko dira, eta bat ez datorren batzordekideak boto partikularra idatzi ahal izango du. Etika eta Eskubide Batzordeak adituen irizpenak eskatu ahal izango ditu, baldin eta jardunak gauzatzeko beharrezkoa dela irizten bada.

3. Ezin izango da eztabaidatu edo erabaki gai-zerrendan jarri ez den gairik, salbu eta organoko kide guztiak bertaratu badira eta aztergaia presakoa dela aho batez erabakitzen bada. Eskatu ahal izango da gai-zerrendan azaltzen den gairen bat kentzea, gai horri buruzko aurrekariak, dokumentuak edo txostenak gehitzeko, baldin eta kide gehienek ustez aurrekari, dokumentu edo txosten horiek gabe ezinezkoa bada erabakia hartzea.

4. Bilera amaitutakoan, bileraren akta egin eta onartuko da. Akta horretan honako hauek bilduko dira: bertaratutako kideak, gai-zerrenda, bilera egin den lekuaren eta denboraren zirkunstantziak, egindako gogoeten puntu nagusiak eta hartutako erabakiak.

Aktak Batzordeko idazkariak zainduko ditu. Interes legitimo baten titulartasuna egiaztatzen dutenek idazkariarengana jo ahalko dute erabakien ziurtagiria eman diezaien. Era berean, idazkariak ziurtagiria egin beharko du eta pertsona, organo edo erakunde jakin batzuei eragiten dietelako Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 58. artikuluan aurreikusitakoaren arabera jakinarazi behar diren erabaki jakin batzuei buruzko jakinarazpena egin beharko du. Hartutako erabakiak jakinarazten direnean, izaera pertsonaleko datuen konfidentzialtasuna gorde beharko da, legez ezarritakoaren arabera.

5. Batzordean eta, baldin baleude, Batzordearen lantaldeetan parte hartzen duten pertsonak eskuratzen duten informazio ororen konfidentzialtasuna errespetatu beharko dute, eta, gainera, egindako gogoetak isilpean gorde beharko dituzte.

#### **6. artikulua. Etika eta Eskubide Kodearen 12. eta 13. artikuluetan aintzat hatzen diren kasuak eta Unibasq-etik eratorritako ziurtapen-erabakiaren, egiaztapen-erabakiaren edo ebaluazio-txostenen aurka aurkezten diren errekurtsuak artatzeko prozedura.**

1. Parte ez hartzeko, ezespina eskatzeko edo errekurtsua jartzeko arrazoiei buruzko edozein jakinarazpen Etika eta Eskubide Batzordearen presidentziara igorri beharko da posta arruntez (Unibasq, Etika eta Eskubide Batzordea, San Prudentzio kalea 8, 01005, Vitoria-Gasteiz), edo posta elektronikoko bidez ([comite\\_etica@unibasq.org](mailto:comite_etica@unibasq.org)). Errekerimendua igortzen duenari jakinaraziko zaio errekerimendua jaso dela, eta bidezkoa ote den errekerimendua izapidetzea bide hau erabiliz.

2. Eskabidean adierazi beharko da zein den jakinarazpenaren, eskaeraren edo errekurtsuaren kausa; nolahi ere, honako kausa hauetakoren batean oinarrituta egon beharko du:

- a.- Etika eta Eskubide Kodearen 12. artikulua –inpartzialtasunari eta bateraezintasun-kausei buruzkoa– urratzea.
- b.- Dagokion egiaztapen-, ebaluazio- edo ziurtapen-programarako ezarritako prozedura-arauak haustea.
- c.- Prozesuaren egintzak eta eskubideak arautzen dituzten lege-arauak haustea, baldin eta arau-hausteak ekarri badu legearen arabera balio gabetzea edo defentsarik eza edo funtsezko eskubideren bat urratzea eragin badu.

3. Etika eta Eskubide Batzordeak, jakinarazpena, eskaera edo errekurtsua jaso ondoren, informazio osagarriak eskatu ahal izango dizkio prozedurari hasiera eman dion pertsonari edo dagozkion instantzietan, erreklamazioa balioesteko beharrezkoak direla uste badu. Halaber, balioespenaren berri emango die balioespen horretan aipatzen diren pertsonari, egokitzat hartzen dituzten alegazioak egiteko aukera izan dezaten.

4. Jakinarazpenaren, eskaeraren edo errekurtsuaren azterketa amaitu ostean, Batzordeak erabaki loteslea hartuko du.

Parte ez hartzeko edo ezesteko prozedura bat bada, erabakiaren edukia aipatutako Kodearen 13. artikuluan ezarritakora egokituko da.

Prozedura Unibasq-etik eratorritako ziurtapen-erabakiaren, egiaztapen-erabakiaren edo ebaluazioaren aurkako errekurtsio batetik eratoritzen bada, erabakiak adierazi beharko du erabilitako prozeduran akats formalik ote dagoen, edo Etika eta Eskubide Kodearen 12. artikuluekiko bateraezitasun-arrazoirik ote dagoen edo inplikaturako pertsonaren edo pertsonen funtsezko eskubideren bat urratu ote den Errekurtsioa balioesteko arrazoirik badago, erabakiak balio gabetu egingo du errekurritutako egiaztapena, ziurtapena edo ebaluazio-txostena, eta aginduko du jardunak arau-haustea edo urraketa gertatu zenean zeuden egoerara eta unera itzul daitezela.

## **7. artikulua. Aurreko artikuluan bildu ez diren erreklamazioak artatzeko prozedura.**

1. Euskal unibertsitate-sisteman sartuta dagoen edo sistema hori erabiltzen duen pertsona fisiko edo juridiko orok ez ezik, Unibasq-eko jardunek zuzenean edo zeharka eraginpean hartzen dituzten edo laguntzen duten erakundeek eta pertsonak ere, ikusten dutenean Etika eta Eskubide Kodearen urraketa bat dagoela, aurreko artikuluan bildutakoen artean ez dagoena, dagokion erreklamazioa egin ahal izango diote Etika eta Eskubide Batzordeari.

Horretarako, dagokion idazkia igorri beharko dute Etika eta Eskubide Batzordearen presidentziara posta arruntez (Unibasq, Etika eta Eskubide Batzordea, San Prudentzio kalea 8, 01005, Vitoria-Gasteiz), edo posta elektronikoko bidez ([comite\\_etica@unibasq.org](mailto:comite_etica@unibasq.org)). Errekerimendua igortzen duenari jakinaraziko zaio errekerimendua jaso dela, eta bidezkoa ote den errekerimendua izapidetzea bide hau erabiliz.

2. Erreklamazio-idazkian honako hauek zehaztu beharko dira:

- a) Erreklamazioa behar bezala ebaluatzeko beharrezkoak diren gertakariak eta/edo datuak, haiek frogatzeko beharrezkoak diren dokumentuekin.
- b) Urratutzat hartutako Kodearen artikulua, printzipioa edo balioa.

3. Batzordeak informazio osagarriak eskatu ahal izango dizkie dagozkion instantziei, erreklamazioa balioesteko beharrezkoak direla uste badu. Halaber, balioespenaren berri emango die balioespen horretan aipatzen diren pertsonari, egokituz hartzen dituzten alegazioak egiteko aukera izan dezaten.

4. Erreklamazioa zehatz-mehatz aztertzen amaitu ondoren, Batzordeak loteslea ez den txostena egingo du eta prozeduran aipatzen diren Unibasqeko pertsona eta organoei gomendioak emango dizkie Etika eta Eskubide Kodea betetzeari buruz. Prozeduran inplikaturako pertsona eta organoei bidaliko zaie txostena.

## **8. artikulua. Unibasq-en etika sustatzeko ekimenak**

Etika eta Eskubide Batzordeak unibertsitate-kalitatearen esparruan etika sustatzeko ekimenak igorriko dizkio Unibasq-en Gobernu Kontseiluari. Zehazki, egoki iritzitako Etika eta Eskubide Kodearen hobekuntza-proposamenak egingo ditu.

Euskal unibertsitate-sistemako kolektiboek Kodea ezagutzeko, errespetatzeko eta ezartzeko lagungarri diren proposamenak ere egingo ditu, baita, hala badagokio, kolektibo horiek Kodea eztabaidatzeko ere, Kodea bera hobetze aldera.

Etikako prestakuntza-ikastaroak proposatuko ditu, egoki iritzitako edukiekin eta hartzaileentzat.

## **9. artikulua. Kontuak ematea**

Etika eta Eskubide Batzordeak txosten bat egin eta argitaratuko du urtero, bertan Kodea ezarri eta aplikatzerakoan izan diren gorabeherak bilduko dira. Txosten horretan, erabaki loteslean edo gomendioak ematen dituen txosten batean amaitu diren Batzordearen jardunetakoren batean parte hartu duten pertsonen eta erakundeen behar besteko konfidentzialtasuna errespetatuko da.